

TAU VILIAGA

Tau mena oti kua lata i a koe ke iloa ke lata ma e fakamauaga higoa ke vili

Kua lata a koe ke fakamau haau a higoa ke vili he Viliaga He Palemene ha Niu Silani

Ke moua foki falu a talahauaga, matutaki atu ke he telefoni 0800 ENROL NOW (0800 36 76 56) po ke mātutaki atu ke he www.elections.org.nz

Lagataha he tau tolu tau oti ne fā mahani a Niu Silani ke taute e taha Viliaga Lahi ke fifili e taha Palemene mo e Fakatufono foou. Ko e Pūhala Vili MMP (Mixed Member Proportional) ke maeke he tagata kua fakamau higoa mo tagata vili ke taute ua e vili. Taha e vili ke lata ma e Matakau haau kua manako ki ai. Ko e vili ke ua aki ko e tagata kua manako a koe mo taha ki loto he Palemene ke lata ma e maaga haau. Ko e matakaina haau ke iloa aki e maaga kua putoia a koe ki ai. Hā i ai e tau maaga lalahi mo e tau maaga Maui. Iгатia e maaga mo e tau higoa he tau tagata oti kua fakamau ke vili. Kaeke kua 18 po ke molea ki luga e tau tau moui haau mo e kua lata ke vili, kua lata i a koe ke vili ke he talahauaga fakamatafakatufono. Kaeke kua 17 e tau tau moui haau, kua maeke a koe ke fakamau fakatalitali. Kaeke kua fakamau a koe ti kua lata i a koe ke fakafou tumau haau a tau talahauaga. Ko e Takitaki he tau Viliaga, ko ia haia ne gahua ma e New Zealand Post Ltd. ke leveki e tau fakamauaga higoa vili.

Tau tali ke he tau hūhū he tau fakamauaga vili he tau maaga i loto

Fakamau higoa ke vili Laupepa 3

Tonuhia nakai au ke fakamau haku higoa?

Nā kai tonuhia nakai au ke fakamau higoa ke vili?

Ko e hā ne fakamau higoa ai au?

Fakamau higoa fēfē au?

Moua mai i fē e laupepa fakamau higoa?

Maeke nakai au ke fakamau higoa po ke lalafi atu falu he haaku a tau talahauaga he Initanete?

Maeke nakai au ke fakamau higoa to 18 haku tau tau moui?

Nā kai tupuaki katoatoa haaku a tino. Maeke nakai au ke moua taha lagomatai ke fakamau higoa?

Fai magafaoa po ke fai kapitiga au he tau motu kehe. Maeke nakai au ke fakamau higoa a lautolu?

Ko e heigoa e fakamauaga higoa nakai lolomi?

Ko e heigoa e mena ka taute aki haaku a laupepa fakamau higoa ka liu au ke fakafano atu?

Ko e heigoa e tau talahauaga haaku kua lata ke fakakite?

Fakamau higoa he tau Maui Laupepa 6

Fifiliaga ke he maaga ke vili ki ai e tau Maui?

Ko au ko e Maui Niu Silani. Fifili fēfē e au e tohi fakamauaga higoa haaku ke hū ai?

Fēfē kaeke ko au ko e Maui ko e vili laia?

Fā lagafiha e taute e fifiliaga Maaga ke vili ki ai e tau Maui?

Ko au ko e Polinesia mai he tau atumotu he Pasifika. Maeke nakai au ke fakamau higoa he fakamauaga higoa he tau Maui?

Tau fakamauaga higoa vili maaga Laupepa 7

Ko e heigoa e fakamauaga higoa vili faka-Palemene?

Toka i fē e fakamauaga higoa vili ke maeke au ke kitia?

Ko e heigoa e fakaaogaaga he tau talahauaga vili?

Fakafoouaga he tau talahauaga fakamau higoa haau Laupepa 7

Ko e heigoa haaku ke taute ka hiki haaku a nofoaga?

Ko e heigoa haaku ka taute ka hiki haaku a higoa po ke gahua?

Ai kua ka nimo i a au ke fakafoou haaku a tau talahauaga

Fakaohohoaga ke Fakafoou e Fakamauaga Higoa Laupepa 8

Ko e heigoa e fakaohohoaga ke fakafoou e fakamauaga higoa?

Ko e heigoa haaku ka taute ka fai fakaohohoaga ke fakafoou e fakamauaga higoa?

Ko e heigoa ka tupu kaeke ke nā kai liuaki haaku a laupepa fakafoou fakamauaga higoa?

Ai kua ka moua e au e laupepa fakafoou fakamauaga higoa ma e taha tagata kua nā kai nofo mo au ke he kaina?

Ko e heigoa haaku ka taute ka nā kai moua e au ha laupepa fakafoou fakamau higoa?

Tau Katofia Maaga Vili Laupepa 9

Nā kai lā hiki haaku a nofoaga ka (e) kua tuku au he maaga kehe. Ko e ha?

Falu a viliaga Laupepa 9

Ko e heigoa e viliaga motuhia he Palemene?

Ko e heigoa e tau viliaga maaga?

Maeke nakai au ke vili he Viliaga Fakatū he tau Tagata (Citizens Initiated Referenda) mo e / po ke Viliaga Fakatū he Fakatufono (Government Initiated Referenda)?

Falu a Talahauaga foki Laupepa 10

Moua fēfē e au falu a talahauaga foki?

Maeke nakai au ke moua e tau talahauaga nai ke he falu a vagahau motu foki?

Folafolaaga

Fakamau higoa ke vili

Tonuhia nakai au ke fakamau higoa?

Tonuhia a koe mo e ko e tonuhia fakamatafakatufono foki ke fakamau higoa ke vili kaeke:

- Ko e tagata Niu Silani a koe mo e nofomau i Niu Silani, mo e,
- 18 e tau tau moui haau, po ke motua atu, mo e,
- Kua fai magaaho a koe he molea e taha he tau he nofo i Niu Silani mo e nā kai fano kehe, mo e,
- Nā kai tonuhia a koe.

Kua nā kai talia au ke fakamau higoa?

Nā kai maeke a koe ke fakamau higoa kaeke:

- Ko e tagata Niu Silani a koe ka e nofo i fafo ha Niu Silani ti nā kai lā liu ki Niu Silani he tolu tau kua mole ki tua.

- Ko e tagata nofomau ha Niu Silani a koe ka e kua nofo ki fafo ha Niu Silani mo e nā kai lā liu ia ki Niu Silani he 12 e tau mahina ki tua.

(Mailoga: Hā i ai e falu a tauteaga kua kehe mai mo e tau fakatokaaga ua nā i luga. Tuga a lautolu ko e tau tagata gahua fakatufono po ko lautolu he Matakau Puipui (Defence Force) kua gahua ki fafo ha Niu Silani fakalataha mo e ha lautolu a tau magafaoa.)

Fai tauteaga nā kai tonuhia foki kua lauia ai e tokogāhoa. Fai fakailoaga ke he Tau Takitaki he tau Viliaga ke fakailo atu a lautolu kua lauia ke he tau tauteaga ia. Kaeke kua fai hūhū po ke fai tupetupe a koe ke he falu a fekau foki haggao ke he nā kai tonuhia, ke matutaki atu ke he 0800 ENROL NOW (0800 36 76 56) po ke hoko atu ke he www.elections.org.nz.

Ko e hā kua lata ai au ke fakamau higoa?

Kua lata a koe ke fakamau higoa kaeke kua tonuhia a koe ke taute pihia. Ka fakamau higoa a koe ti maeke agataha a koe ke vili. Ko e vili, ko e haau ha pūhala haia ke fakakite aki haau a tau talahauaga ko e tau tagata fēfē mo e tau matakau polotika fē kua vili ki loto he Palemene ha Niu Silani he tau viliaga takitaha he motu. Maeke foki a koe ke vili ke he tau takitaki maaga mo e tau matakau ulufakatonu he tau faahi malolō tino he tau maaga pihia foki mo e falu a viliaga.

Fakamau higoa fēfē au?

Fakapuke noa nī e laupepa ne fakahigoa ko e “Enrolling to vote: Application”. KUA LATA a koe ke taute tohi ole ke fakamau haau a higoa he fakamauaga higoa vili, pete nī he nā kai manako a koe ke vili.

Kaeke ko e Maui Niu Silani a koe, po ke taha hologa tupu mai he Maui Niu Silani, mo e fakamua a nai he fakamau higoa a koe, maeke foki a koe ke fakakite ko e fakamauaga higoa fē haau kua manako ke tuku ai e higoa. Maeke a koe ke fifili ko e tuku haau a higoa ke he fakamauaga higoa he tau Maui po ke fakamauaga higoa Auloa.

Moua mai e au i fē e laupepa fakamau higoa?

- Fakapuke ti fakafano e tama laupepa tote i tua he tohi nai ke maeke i a mautolu ke fakafano atu taha ki a koe.
- Moua noa mai he tau PostShop.
- Hea noa mai a mautolu he 0800 ENROL NOW (0800 36 76 57) ke fakafano atu e mautolu taha.
- Text noa mai e higoa haau ke he 3676 mo e matakaina ke fakafano atu e mautolu taha.
- Ole, po ke taute taha lagaki mai he (website) kupega hila – www.elections.org.nz.

Ka oti he fakapuke ti taatu ke he ha PostShop po ke fakahū (nā kai pili aki ha ulutohi) ke he:

Freepost 2 Enrol
Electoral Enrolment Centre
P O Box 190
Wellington 6140

Maeke nakai au ke fakamau higoa po ke fakafoou haaku a tau talahauaga he Initanete?

Ē, fano noa nī a koe ke he (website) kupega hila –www.elections.org.nz – ti fofota e mahina “Enrol, check or update – Do it here!” Muitua ke he fakapapahiaga ke fakapuke. Maeke a koe mogoia ke lagaki mai ti taute taha lagaki he laupepa fakamau higoa kua oti he fakapuke e koe, fakamooli aki haau a higoa ti fakafano.

Ko e taha pūhala foki, maeke a koe ke tamai haau a fekau ti fakafano atu mogoia e mautolu e taha lagaki fakamau higoa pauaki maau ke kitekite, fakamooli ti liu fakafano mai ki a mautolu. Maeke foki a koe ke kitekite ke he tau talahuaga fakamau higoa haau kua tohia ai ke he (website) kupega hila.

Maeke nakai au ke fakamau higoa ka e nākai lā 18 e tau tau moui?

Ē, ka tū e 17 tau haau ti maeke a koe ke fakapuke e laupepa fakamau higoa ke “fakamau fakatalitali.” Ka tū e 18 tau haau kua fitā a koe he fakamau higoa.

Ke moua foki falu a talahauaga ti haia ke he tohi “Enrolling to vote before you’re 18”. Moua ke he tau PostShop po ke hea e 0800 ENROL NOW (0800 36 76 56).

Nakai tupuaki katoatoa haaku a tino. Maeke nakai au ke moua lagomatai ke fakamau higoa?

Kaeke kua nākai tupuaki katoatoa haau a tino ti manako lagomatai ke fakapuke mo e liuaki mai haau a laupepa fakamau higoa, hanai e tau mena haau ke taute:

- Maeke a koe ke age haau a laupepa ke fakapuke ti fakamooli he taha tagata kua fakamau higoa ke vili. Kua lata i a lautolu ke tohi matalima tata ke he ha lautolu a fakamooliaga “Elector Physically Disabled – signed by their direction”.
- Po ke, maeke a koe ke fakapuke mo e fakamooli e ia kua fai Power of Attorney e laupepa haau. Kua lata i a lautolu ke tohi matalima fakatata ke he ha lautolu a fakamooliaga “Elector Physically Disabled – Power of Attorney.”

Kaeke ke fai he magafaoa haau kua nākai katoatoa e tau manamanatuaga ke fakamau higoa, maeke a koe ke fakamau higoa maana. Hea noa mai a mautolu he 0800 ENROL NOW (0800 36 76 56) ke moua falu a talahauaga.

Fai magafaoa po ke fai kapitiga au he tau motu kehe. Maeke nakai au ke fakamau higoa a lautolu?

Ē. Maeke a koe ke fakapuke ha lautolu a laupepa kaeke kua tonuhia agaia a lautolu ke fakamau higoa. Hanai e tau mena haau ke taute:

- Kaeke ko e tagata vili kua fakamau haau a higoa, maeke a koe ke fakapuke e laupepa ti fakamooli. Kua lata i a koe ke tohi matalima ke he laupepa tata atu ke he haau a fakamooliaga “Elector overseas – signed by their direction”.
- Po ke, kua fai Power of Attorney a koe ke lata mo lautolu, maeke a koe ke fakapuke ti fakamooli ha lautolu a laupepa. Kua lata i a koe ke tohi matalima ke he laupepa tata atu ke he haau a fakamooliaga “Elector overseas – Power of Attorney”.

Kua lata a koe ke fakamau higoa fakamua to vili a koe

Ko e heigoa e fakamauaga tagata vili nākai tohi hifo?

Kaeke kua iloa e koe to tauhele haau a haohao mafola mitaki kaeke kua tohia haau a tau talahauaga ke he fakamauaga higoa, maeke a koe ke ole ke ua fakakite haau a tau talahauaga ke he pepa fakamau higoa. Ka e lata a koe ke taute kehe taha tohi ole ma e manako nai ti fakakite e fakamooliaga ke he haau a tūaga fakatagata, tuga e poakiaga leveki, poakiaga fakatalitali po ke ha fakamooliaga fakamatafakatufono mai he taha leoleo.

Falu a talahauaga foki mo e laupepa tohi ole kua fakahigoa ko e “Everything you need to know about the unpublished electoral roll”. Moua ke he ha PostShop po ke hea 0800 ENROL NOW (0800 36 76 56) ke fakafano atu taha lagaki.

Taute fēfē e laupepa fakamau higoa haaku ka fakafano atu e au?

To kitekite e Takitaki he tau Viliaga ke kitia kua hako nakai he fakapuke. Kaeke kua hako, to tuku ai haau a higoa ke he tohiaga tagata vili he maaga fakamui kua katoa e mahina he nofo ai a koe. To fakafano atu e mautolu e fakailoaga he meli ke fakamooli aki haau a fakamauaga higoa.

Ke moua foki falu a talahauaga hea e 0800 ENROL NOW (0800 36 76 56) po ke finatu ke he www.elections.org.nz.

Ko e tau talahauaga fēfē haaku kua lata ke fakakite?

Fakamolemole ti tali oti e tau hūhū he laupepa fakamau higoa ke maeke i a mautolu ke tohi fakahako e tau fakamauaga tagata vili haau. Ko e tau valavala nī ne fakamailoga aki e (*) ka lolomi i loto he tohi fakamau tagata vili.

***HAAU A HIGOA KATOAA:**

Taute pehē nai ke kitia kua hako e fakamau higoa haau, mo e kitia a lautolu kua tatai po ke fetataiaki e tau higoa.

AHO FANAU:

Ke fakakite ke he haau a Takitaki he tau Viliaga kua hokotia haau a tau tau ke vili ti maeke foki a mautolu ke kitia a lautolu kua tatai e tau higoa.

FAKAMOOLIAGA HE HIGOA MO E AHO:

Kaeke ko e Maui Niu Silani a koe, po ke hologa tupu mai he Maui Niu Silani, kua LATA ke fakamooli mo e tohi e aho he taha he tau mena nai, fakamailoga Maui PO KE fakamailoga Auloa, KUA NĀKAI LATA A KOE KE FAKAMOOLIA. Kua mahuiga lahi ke fifili fakamitaki e koe e tohi vili kua manako a koe ke tohia ai. Kua lata e falu a tagata foki ke fakamooli mo e tohia e aho he fakamailoga Auloa. Kaeke kua nākai tupuaki katoatoa haau a tino po ke hā ke he tau motu kehe, to fai tagata ke fakamooli haau a tohi ole.

***KAINA NOFOMAU**

Ko e kaina haau a nai. Nākai ko e kaina katoatoa haau e Puha Tohi Niu Silani po ke nūmela tufa koloa. Manako a mautolu ke he matakaina katoa haau ke maeke i a mautolu ke fakamau higoa vili a koe ke he maaga kua ‘nofomau’ ai a koe.

“Nofomau” a koe he matakavi kua fifili a koe ke tālaga ai haau a kaina hā ko e haau a magafaoa po ke tau matutakiaga fakatagata po ke falu a kakano foki. Hā kua fā fai

magaaho ne fano kehe fakakū mai a koe he matakavi ia, nākai pehē e mena ia kua nākai nofomau ai a koe. Nākai lauia foki kaeke kua fano fakakū a koe mai he kaina ia hā ko e haau a gahua po ke tau fakaakoaga (po ke gahua po ke tau fakaakoaga he haau a hoa). Ko e mena ne mua ka fifili ai haau a nofoaga ko e matakavi haia kua fifili e koe mo kaina haau.

MATAKAINA PUHA TOHI HAAU:

Manako ke he mena nai kaeke kua kehe mai mo e haau a matakaina nofomau.
Manako a mautolu ke tohi ki a koe ke fakamooli haau a fakamau higoa.

***GAHUA:**

Lagomatai foki e tau talahauaga nai ki a mautolu ke kitia aki a lautolu kua tatai e tau higoa. Mena fā mahani falu magaaho ke tohi fakakū ki loto he tohi fakamau higoa.

KO E MAULI NAKAI A KOE?

Ko e Maui Niu Silani nī po ke hologa tupu mai he Maui Niu Silani kua maeke ke tali fakahako e veliveli “Ē” (he veliveli). Ko e falu a tagata foki ke fakahako e veliveli “NĀKAI”.

TAU NŪMELA TELEFONI:

Manako ki ai neke manako a mautolu ke matutaki mo koe.

FAKATINO:

Kaeke kua nofo a koe he kaina nakai fai nūmela, kua lata ke fai fakatino ke fakakite e tūaga he kaina haau ke lagomatai ke hako e maaga ka tuku ai haau a higoa.

KUA HIKI FOOU NAKAI HAAU A MATAKAINA?

Kaeke ki lalo hifo he taha mahina he nofo ai a koe he kaina mogonai, fakamolemole ti fakapuke e tau (mena) puha nai.

TAU NIU SILANI HE TAU MOTU KEHE:

Kua lata a koe ke fakapuke e tau mena kaeke kua nofo a koe he tau motu kehe.
Fakamolemole ti tohi (matalima) matataha ko e tau fē ne nofo ai a koe i Niu Silani, ti hiki ne fē mo e matakaina fakahiku taha e mahina to fano kehe a koe mo Niu Silani.

Fakamauaga higoa he tau Maui

Fifiliaga Viliaga Maui?

Kaeke ko e Maui Niu Silani a koe, po ke hologa tupu mai he Maui Niu Silani, maeke a koe ke fifili mai he tohi fakamau higoa vili Maui po ke Auloa.

Ko au ko e Maui Niu Silani. Fifili fēfē e au e fakamauaga higoa ke fano ki ai?

Ko e tau lima tau oti, mena fakafano atu e Fifiliaga Viliaga Maui ke he tau tagata oti kua talahau kua tupu mai he tupuna Maui kua fakamau e higoa ke vili. Ko e laupepa nai ke fifili e koe ko e fakamauaga fē ke tohia ai haau a higoa ko e fakamauaga Maui po ke fakamauaga Auloa. Fakahigoa e tauteaga nai ko e tauteaga Fifiliaga Vili Maui.

Ai kua ko e Maui fakamau higoa laia au?

Maeke a koe ke fifili ko e tohi vili fē ka tuku ai haau a higoa kaeke ko e Maui Niu Silani a koe, ke fakamooli e fakamailoga kua lata ki loto he laupepa fakamau higoa.

Magaaho ka taute ai haau a fifiliaga kua nākai maeke a koe ke hiki a to liu taute e Fifiliaga Vili Maui.

Fiha e leva to fakahoko e Fifiliaga Vili Maui?

Fakahoko e fekau nai he tau lima tau oti ke he fā e tau mahina ke fai magaaho e tau tagata vili Maui ke liu kitekite mo e hiki e tohi fakamau higoa, kua fakamau higoa ki ai.

Ko au ko e Polinesia mai he tau Atumotu he Pasifika. Maeke nakai au ke tuku haku higoa ke he tohi fakamau he tau Maui?

Nākai. Ko lautolu ni ko e tau Maui Niu Silani mo e tau hologa ne tutupu mai he tau Maui Niu Silani. Ko e tau Maui Kuki Aelani mo e falu he tau tagata atumotu Pasifika kua tonuhia ke fakamau higoa vili ke fakamau ki loto he tohi fakamau vili Auloa.

Haia foki falu a talahauaga he tohi ne fakahigoa ko e “Enrolling to vote as a New Zealand Maori”.

Tau tohi fakamau higoa vili

Ke moua foki falu a talahauaga hea e 0800 ENROL NOW (0800 36 76 56) po ke matutaki atu ke he www.elections.org.nz

Ko e heigoa e tohi fakamau vili Faka-Palemene?

Ko e tohi fakamau nai, ko e tohi kua tohia ai e tau tagata oti he maaga ne kua fakamau higoa. Putoia fakalataha ai ha lautolu a tau higoa, tau kaina nonofo mo e tau gahua. Atāina e tau tagata oti ke kitekite ke he tohi nai. Taha e tohi foou ka lolomi he tau tau takitaha ka e nākai ko e tau tau ka vili ai e Palemene. Ua e tohi ka lolomi ai he tau tau ia, ko e tohi fakamua ke kitekite ki ai e tau tagata kua hako nakai e tau talahauaga mo e haana a higoa kua fakamau, ko e tohi ke ua aki ke lata ma e Aho Vili.

Moua e au i fē e tohi fakamau higoa vili ke kitekite ki ai?

Igatia e tau Takitaki he tau Ofisa Vili mo e tau Fale Totou Tohi mo e tau tohi fakamau vili oti ha Niu Silani. Fai lagaki foki e tau PostShop he tau fakamauaga vili Maui mo e Auloa ma e haana a matakavi. Fai lagaki foki e laulahi he tau PostShop lalahi mo e tau fakamauaga vili he tau maaga ne tata atu ki ai.

Maeke foki a koe ke kitekite ke he haau a tau talahauaga fakamau higoa he (website) kupega hila – www.elections.org.nz.

Fakaaoga fēfē e tau talahauaga vili?

Ka fakamau higoa vili a koe, ko e higoa nī haau, matakaina mo e gahua ka fakakite he lagaki he fakamauaga higoa he maaga haau. Fakaatā e tohi nai ke kitekite ki ai e ha tagata. Maeke e tau talahauaga nai fakalataha mo e haau a fufuta tau, matakaina puha tohi po ke talahauaga ke he tupumaiaga Maui (kaeke kua lata ke taute pihia) ke foaki atu ke he tau matakau po ke tau tagata kumikumi malolō tino mo e fakasaienetisi, tau ekepule he Palemene po ke ha matakau politika. Foaki age foki e tau talahauaga nai ke he tau fono maaga ma e tau viliaga ha lautolu mo e he matakau malolō tino he maaga. Lautolu ke lata mo e tau fakafiliaga kua moua mau hā ko e tau talahauaga fakamau higoa vili nai.

Fakafoou tumau e tau talahauaga fakamau higoa vili haau

Ko e heigoa haaku ka taute ka hiki haku kaina?

Fakamua to hiki a koe, fakapuke e laupepa New Zealand Post “Mail Re-direction Request” he ha fale koloa PostShop. To tufa atu haau a meli ke he matakaina foou mo e to fakailoa atu foki ke he Takitaki he tau Viliaga to hiki a koe.

Kaeke ko e kaina foou haau toka agaia nī ke he maaga agaia, to fakafoou noa nī he Takitaki he tau Viliaga e tohi fakamau higoa ti fakafano atu ki a koe e fakailoaaga he fakamooliaga.

Ka e kaeke kua hiki a koe ke he taha maaga kehe, to fakafano atu e taha lagaki he fakamauaga higoa haau ke kitekite, fakamooli ti liuaki. Ko e magaaho ka moua ai he Takitaki he tau Viliaga he maaga foou haau e laupepa fakamooli haau, to fakamau tohi e ia a koe ti fakafano atu e fakailoaaga ke he fakamooliaga.

Kaeke kua nā kai moua he Takitaki he tau Viliaga e higoa haau ke he tau tohi fakamau higoa vili, to fakafano atu e lautolu e laupepa fakamau higoa ke he kaina foou haau.

Maeke foki a koe ke fakapuke e laupepa fakamau higoa po ke finatu ke he (website) kupega hila ha mautolu – www.elections.org.nz – mo e fakafoou haau a tau talahauaga.

Ko e heigoa haaku ka taute ka hiki haku higoa po ke gahua?

Kaeke ke hiki haau a higoa po ke gahua kua lata i a koe ke fakailoa tohi atu fakamafiti ke he Takitaki he tau Viliaga. Maeke foki a koe ke fakapuke e laupepa fakamau higoa foou po ke fakafoou haau a tau talahauaga he (website) kupega hila ha mautolu – www.elections.org.nz.

Ai kua ka nimo e au ke fakafoou haku tau talahauaga?

Ka nimo i a koe ke fakafoou haau a tau talahauaga, liga to nā kai maeke a mautolu ke matutaki mo koe ke he fakaohohoaga fakamau higoa foou mo e to uta kehe ai haau a higoa mai he fakamauaga higoa. Ko e mena ia to lata nī a koe ke liu fakamau higoa foki.

Tau Fakaohohoaga Fakamau Higoa Foou

Ko e heigoa e fakaohohoaga fakamau higoa foou?

Afe mo afe e tau tagata Niu Silani he tau tau takitaha ne fai hikihikiaga ke he ha lautolu a tau momoui. Hiki e tau fale ha lautolu, faitaane po ke faihoana pihia mo e tau gahua. Tokologa ne liliu mai he tau motu kehe. Falu magaaho nā kai fakailoa e lautolu e tau hikihikiaga nai ke he Takitaki he tau Viliaga.

Ko e mena haia ati taute tumau ai e tau fakaohohoaga fakamau higoa foou. Ko e tau tagata oti kua lata ke kitekite mo e fakafoou, kaeke kua lata ke taute pihia, e ha talahauaga ke maeke he Takitaki he tau Viliaga ke tuku e tau hikihikiaga oti ke he tau tohi fakamau higoa vili foou.

Ko e heigoa haaku ka taute ka fai fakaohoho fakamau higoa foou?

Kua lata a koe ke kitekite mo e fakahui, kaeke kua lata ke taute pihia, haau a tau talahauaga fakamau higoa. Fakamukamuka he Takitaki he tau Viliaga e tauteaga nai,

he fakafano atu e ia e laupepa ki a lautolu oti kua fakamau ke he tau tohi fakamau higoa tuai. To fakakite he laupepa fakafoou fakamau higoa haau e haau a tau talahauaga fakatagata tuga kua fakamau ai. Fai vala tokanoa ke taute ai haau a tau fakahakohako. Fakamooli noa nī e higoa mo e tohi e aho he laupepa ti fakafano atu he fagatohi kua foaki atu. Kaeke kua hako oti haau a tau talahauaga to nā kai lata a koe ke fai tali atu ka e to tumau a koe ke fakamau haau a higoa fakalataha mo e tau talahauaga he laupepa fakafoou fakamau higoa haau.

Ko e heigoa ka tupu ka nā kai liuaki haku laupepa fakamau higoa foou?

To tumau nī ke mau haau a higoa he tohi fakamau higoa mo e tau talahauaga agaia he laupepa fakamau higoa foou.

Ai kua ka moua e au e laupepa fakafoou fakamau higoa ma e taha tagata kua nā kai nofo he kaina ia?

Kua lata ke taatu e koe ke he kaina foou ha lautolu po ke, kaeke kua nā kai iloa, fakamailoga e fagatohi Gone no address” ti liu fakahū. To liuaki atu ai ke he Takitaki he tau Viliaga ti ko ia ka uta kehe e higoa he tagata mai he fakamauaga higoa.

Ai kua ka nā kai moua au ha laupepa fakafoou fakamau higoa?

Kua lata i a koe ke fakapuke e taha laupepa foou. Ko e magaaho ka moua ai he Takitaki he tau Viliaga e laupepa fakamau higoa haau kua fakapuke, to tohia ai haau a higoa ke he tohi fakamau higoa vili.

Tau katofia maaga

Nā kai lā hiki haku kaina ka e kua hiki haaku a higoa ke he taha maaga kehe. Ko e hā?

Igatia e tau maaga vili mo e teitei tatai e puke tagata kua hā i ai. Ka e maeke falu maaga ke tupu ka e memege e falu ti kua lata e tau fakamailoga katofia he falu magaaho ke hiki ti ko e mena ia kua lata e tau laini katofia ke hiki.

Ko e tau lima tau oti, ka oti e totou puke tagata, kua kitekite fakalahi ke he tau katofia he tau maaga oti. Kaeke kua tokologa e puke tagata he maaga kua hikihiki fano, maeke he tau katofia ke hiki ke fakatatai e tau maaga, ke teitei tatai foki e puke tagata. To fakaaoga e tau katofia foou nai ka liu ke vili foki.

Falu a vili foki

Ko e heigoa e vili motuhia he Palemene?

Ko e falu a magaaho to tokanoa ai falu a nofoa ekepule he Palemene he tau vahālotu he tau Viliaga he Motu. Ko e magaaho haia ka vili ai a lautolu he maaga ke he taha (tutaki) ekepule foou ke he Palemene. Fakahigoa e tauteaga nei, ko e viliaga motuhia. To tauteute ai e fakamauaga higoa vili foou ma e maaga ia.

Ko e heigoa e tau vili maaga?

Ko e magaaho ka fakamau higoa tagata vili Palemene a koe kua fakamau higoa foki a koe ma e fakamauaga vili (takataki) fono maaga. Ko e mena ia kua maeke a koe ke vili he tau viliaga he fono maaga (ma e haau a maaga pihia foki) mo e tau viliaga he matakau ulufakatonu ma e faahi malolō tino he matakavi. Aofia ai foki e viliaga he takitaki maaga (mayor) ma e taone po ke matakavi ha mutolu, mo e tau hukui ke hukui aki a koe he haau a fono maagamotu, fono taone po ke matakavi, matakau he

tau tagata he kautū, matakau ulufakatonu ma e faahi malolō tino he matakavi mo e falu foki a kautaha tuga e tau matakau fakamooli laisene (licensing trusts).

Maeke nakai au ke vili he Viliaga Fakatū he tau Tagata mo e / po ke Viliaga Fakatū he Fakatufono?

Ka fakamau higoa a koe ko e tagata vili ma e Palemene kua fakamau higoa foki tuai a koe ke vili he Viliaga Fakatū he tau Tagata mo e / po ke Viliaga Fakatū he Fakatufono.

Falu a Talahauaga foki

Moua fēfē foki e au falu a talahauaga?

Moua mai foki falu a talahauaga fakamau higoa ke vili ka:

- hea noa ke he 0800 ENROL NOW (0800 36 76 56
- finatu ke he (website) kupega hila ha mautolu www.elections.org.nz
- totou e tau tohi
 - Everything you need to know about the unpublished electoral role*
 - Enrolling to vote before you're 18*
 - Enrolling to vote as a New Zealand Maori*

* haia he tau PostShops po ke tau ofisa he tau Takitaki he tau Viliaga

Fakaaue he totou e tohi nai.

Amamanaki a mautolu kua tali oti haau a tau hūhū ke he fakamauga higoa ke vili.

Kaeke kua manako lagomatai foki a koe ti hea noa mai a mautolu he 0800 ENROL NOW (0800 36 76 56) po ke finatu ke he www.elections.org.nz.

Moua nakai e au e tau talahauaga nei ke he falu a vagahau?

Ka manako a koe ke he taha lagaki he tohi nai ke he tau Vagahau Maui, Maui Kuki Aelani, Tonga, Samoa, Saina po ke Korea ti hea noa mai he 0800 ENROL NOW (0800 36 76 56) ti fakafano fakamafiti atu e lagaki maau.

Ke moua foki falu a talahauaga hea e 0800 ENROL NOW (0800 36 76 56) po ke finatu ke he www.elections.org.nz

Electoral Enrolment Centre
New Zealand Post Limited
PO Box 190
Wellington 6140
Phone: 0800 ENROL NOW
(0800 36 76 56)
Fax: (04) 801 0709
Email: enrol@elections.org.nz
Website: www.elections.org.nz